

Delegatkinja Nermina Kapetanović postavila je sljedeće pitanje Vijeću ministara BiH:

„Podaci kazuju da je BiH država s najskupljim lijekovima u regionu. Cijene lijekova u nekim kantonima FBiH razlikuju se i do 50%. Da li je tačno da je Agencija za lijekove i medicinska sredstva BiH uradila izmjene Pravilnika o reguliranju maksimalne cijene lijekova na bh. tržištu? Ako je tačno, zašto pomenute izmjene Vijeće ministara BiH ne uvrštava u dnevni red, naročito zato jer je to obaveza iz 2009. godine. Neophodno je da Vijeće ministara BiH vodi računa o interesima građana i njihovom pravu na jednak pristup medicinskoj zaštiti što im je zagaranirano i zakonom o zdravstvenoj zaštiti i međunarodnom konvencijom o zaštiti ljudskih prava.“